



## PINGAARNERSIUINEQ

### Danskisut innuttaassuseqarneq pillugu inatsisip allannguutaasa Kalaallit Nunaanni atuutilersinneqarnissaat pillugu kunngip peqqussutissaatut missiliuut.

1. Danskisut innuttaassuseqarneq (Inunngornermi danskisut innuttaassuseqalersarneq il.il.) pillugu inatsisikkut nr. 729, 25. juni 2014-imeersukkut innuttaassuseqarneq pillugu inatsisip allannguuteqartinneratigut naalagaaffiup immikkoortuani aalajangersakkamik siullermeersumik ivertitsisoqarpoq. Naalagaaffiup immikkoortuani aalajangersakkap kingunerisaanik inatsit Kalaallit Nunaannut atuutinngilaq, kisianni kunngip peqqussutaatigut Kalaallit Nunaannut tamakkiisumik ilaannakortumilluunniit atuutilersinneqarsinnaavoq allannguutit Kalaallit Nunaanni pissutsit atuuttut malillugit allannguutigitillugit.

Innuttaassuseqarneq pillugu inatsisip kingusinnerusukkut allannguuteqartinneratigut taamaaqataanik naalagaaffiup immikkoortuani aalajangersakkat ivertinneqarput.

Inatsimmik allanguutit taakku arlaannaalluunnit taamanimiilli Kalaallit Nunaannut atuutilersinneqarsimangillat. Taamaalilluni Kalaallit Nunaannut tunngatillugu danskisut innuttaassuseqarneq pillugu inatsimmik nalunaarut nr. 422, 7. juni 2004-imeersoq, kingullermik inatsisikkut nr. 647, 12. juni 2013-imeersukkut allannguuteqartinneqartoq, ullumikkut atuutsinneqarpoq.

Danskisut innuttaassuseqarnerup nalunaarutigineranut inatsisitigut tunngaviusoq tassaavoq tunngaviusumik inatsimmi § 44, tamatumalu kingorna nuna allamioq kinaluunniit inatsisitigoortuunngitsumik danskisut innuttaassuseqalersinnaanngilaq. Aalajangersakkap taassuma kingunerisaanik Folketingi aamma Danmarkimi naalakkersuisut kisimik peqatigiillutik nunat allamiut danskisut innuttaassuseqalernerannik nalunaaruteqarnissamut pisinnaatinneqarput.

Naalagaaffimmi innuttaassuseqarneq pillugu malittarisassat, periaatsit inatsisillu tunngaviusut pissutigalugit nalagaaffimmi tamarmiusumi assigiittariaqaralarput. Kalaallit Nunaanni Namminersorneq pillugu inatsisissatut siunnersuummut (L 128, 5. februar 2009-meersumi) nassuiaatit nalinginnaasut ilaatigut malillugit imatut allassimasoqarpoq, tassalu danskisut innuttaassuseqarnermik pigisaqarneq inatsi-

17.maj 2018

Indfødsret  
Slotsholmsgade 10  
1216 København K

Tel. 6198 4000  
Mail uim@uim.dk  
Web www.uim.dk

CVR-nr. 36977191

Sagsbehandler  
Caroline Elmberg

Tel. 61 98 36 41  
Mail cae@uim.dk

Sags nr. 2017 - 8231  
Akt-id 369802

sinut arlalinnut, naalagaaffimmi tamarmut atuuttunut sunniuteqartoq, assersuutigalugu tassunga ilaalluni Folketingimut qinersisinnaatitaaneq.

2. Taamaattumik Nunani allamiunut aamma Akulerutitaanermut ministereqarfiup danskisut innuttaassuseqarneq pillugu inatsisip allannguutaasa Kalaallit Nunaanut atuutilersinneqarnissaat pillugu kunngip peqqussutissaatut missiliuut Kalaallit Nunaanni Naalagaafiup Sinniisoqarfianut nassiussimavaa Kalaallit Nunaanni Namminersorlutik Oqartussat 2018-imi ukiakkut ataatsimiinnissamut saqqummiussinissaat siunertaralugu.

Peqqussutissatut missiliuut massakkut atuuttoq aqcutigalugu inatsimmik nalunaarut nr. 422, 7. Juni 2004-meersoq kingullermik inatsisikkut nr. 647, 12. juni 2013-imeersukkut allanngortinneqartoq naleqqussarneqassasoq siunnersuutigineqarpoq imaalillugu, danskisut innuttaassuseqarneq pillugu inatsit Danmarkip aamma Kalaallit Nunaata akornanni atuuttut imminnut naapertuuttunngortillugit. Taamaalilluni danskisut innuttaassuseqarneq pillugu inatsimmi allannguutit makku Kalaallit Nunaannut atuutilersinneqarnissaat siunnersuutigineqarpoq:

- Danskisut innuttaassuseqarneq (Inunngornermi danskisut innuttaassuseqalersarneq il.il.) pillugu inatsisip allanngortinneqarnissaa pillugu inatsit nr. 729, 25. juni 2014-imeersoq. Inatsisip allanngortinneratigut danskimit anaanaaqataasumit inunngornermi danskisut innuttaassuseqalersarneq pillugu malittarisassat inatsisip allannguuteqartinneratigut atuutilersinneqarput. Taamaattorli oqaatigineqassaaq allanguummi pineqanngimmat oqariaatsip 'anaanaaqataasup' Kalaallit Nunaanni atuutilersinneqarnissaa. Taamaalilluni taamallaat uani pineqarpoq anaanaaqataasuniit Danmarkimi akuerisaasuniilli danskisut innuttaassuseqarnerup ingerlateqqinneqarnissaa. Aammattaaq danskisut innuttaassuseqarneq pillugu suliat suliarinissaannut atugassanik nunat allat allagaataasa nutserneqarnissaannut aningaasartuutit akilerneqarnissaat pillugu malittarisassat atuutilersinneqarput, dna-mik misissuinermi peqataanissaq pillugu malittarisassat tamatumunngalu aningaasartuutit akilerneqarnissaat pillugu malittarisassat, kiisalu nunani allamiunut aamma akulerutsitaanermut ministerip piginnaatitaanissaa manna pillugu, tassalu dna-mik misissuinissani periaasissat erseqqinnerusut ministerip aalajangersarsinnaagai. Tamatuma saniatigut meeqqat nunani allamiunik anaanallit aamma danskinik ataallit nunani allani aappariinnerup avataatigut inunngorsimasut, inunngornerminni danskisut innuttaassuseqalinnginnissaannik malittarisassat atorunnaarsinneqarput. (§ 1, nr. 1 aamma 13 peqqussutissatut missiliummi).
- Danskisut innuttaassuseqarneq (Inuusuttut Danmarkimi inunngorsimasut alliartorsimasullu il.il. danskisut innuttaassuseqarnerat) pillugu inatsisip allannguutaa pillugu inatsit nr. 730, 25. juni 2014-imeersoq. Inatsisip allannguuteqartinneratigut danskisut innuttaassuseqarneq pillugu uppernarsaatip tunniunneqarnerani ilaatigut akitsuummik akiliisarneq pillugu malittarisassat atuutilersinneqarput. (§ 1, nr. 3 aamma 11 peqqussutissatut missiliummi).

- Danskisut innuttaassuseqarneq (Naalagaaffimmi marloriaammik innuttaassuseqarnerup akuersissutigineqartarnera aamma danskisut innuttaassuseqarneq pillugu sulianut akitsuummik akiliisarneq) pillugu inatsit nr. 1496, 23. december 2014-meersoq. Inatsisip allannguuteqartinneratigut naalagaaffimmi danskisut innuttaassuseqarnerup uppersaataani aamma naalagaaffimmi danskisut innuttaassuseqarnerup attatiinnerneqarnissaa aamma qinnuteqaatit tunniunneqarnerannut akitsuutip akiler-nissaa aamma nunami allami inunngorsimasut danskisut innuttaassuseqalersinnaaneratt pillugu qinnuteqaatit tunniunneqarneranni akitsuutip qaffanneqarnera pillugu malittarisassat atuutilersinneqarput. Tamatumasaniatigut Nunami allami naalagaaffimmi innuttaassuseqalernikkut inuup isumamik danskisut innuttaassutsiminik annasaqartarnera pillugu malittarisassat aamma danskisut innuttaassuseqarneq pillugu uppersaatiptunniunneqarneratigut nunami allami naalagaaffimmi innuttaassuseqarnermit aqqiisoqarnissaa pillugu piunasaateqarnissaaq pillugu malittarisassat atorunnaarsinneqarput. Naggataatigut inuit nunami allami naalagaaffimmi innuttaassuseqarlernertik pissutigalugu danskisut innuttaassutsiminnik annasaqartunut ikaarsaariarnermi aqqiissutaagallartussat atuutilersinneqarput, aamma inunnut naalagaaffinnut allanut tunngatillugu naalagaaffimmi innuttaassuseqarneq pillugu inatsisinit aqqiissuteqarnissaaq pillugu piunasaqaatitalimmik piffissap erseqqinnerusumik taaneqartup iluani danskisut innuttaassuseqalersimasunut, aamma tamatuminnga sulii aqqiivigineqarsimangitsunut. (§ 1, nr. 4, 5, 7, 9, 10, 12 aamma 16 kiisalu § 4 aamma § 5, imm. 1, peqqussutissatut missiliummi).
- Qitornavissartaartarneq pillugu inatsisip, angajoqqaatut akisussaassuseqarneq pillugu inatsisip aamma danskisut innuttaassuseqarneq (Inooqatigiissut ataatsimoorlutik qitornavissartaarsinnaaneratt il.il.) pillugu inatsisip allannguutaa pillugu inatsimmi nr. 1525, 27. december 2014-meersumi § 3. Inatsisip allannguuteqartinneratigut qitornavissartaarnermi danskisut innuttaassuseqarnerup ingerlateqqinneqartarneranut atatillugu apparit inooqatigiissut katissimasunut apparuusunut naligiissitaanissaat pillugu malittarisassat atuutilersinneqarput. (§ 1, nr. 2 peqqussutissatut missiliummi).
- Danskisut innuttaassuseqarneq (Nunani allani inunngorsimasut danskisut innuttaassuseqalersarneratt pillugu qinnuteqaateqarnermi ilaatigut pinngitsoorani digitalimik immiinnut sullinnissamut ikaarsaariarneq il.il.) pillugu inatsisip allannguutaa pillugu inatsit nr. 534, 29. april 2015-meersoq. Inatsisip allannguuteqartinneratigut nunani allani inunngorsimasut danskisut innuttaassuseqalernissamik qinnuteqaateqarneranni pinngitsoorani digitalimik immiinnut sullinnissamut ilaatigut ikaarsaariarneq pillugu malittarisassat atuutilersinneqarput. Aammattaaq nunani allani inunngorsimasut danskisut innuttaassuseqalernissaaq pillugu qinnuteqaateqartut killisiorneqartarneranni politiit atorneqarsinnaaneratt pillugu malittarisas-

sat atuutilersinneqarput, tamanna suliamut pingaaruteqassasoq nalileneqarpat. (§ 1, nr. 14 aamma 15 peqqussutissatut missiliummi).

- Danskisut innuttaassuseqarneq (Marloriaammk innuttaassuseqarneq pillugu malittarisassat naapertorlugit uppersaammik tunniussinermi meeqqat inuup aappaatut (saniatigut) ilanngunneqartarnerat) pillugu inatsit nr. 111, 8. februar 2016-imeersoq. Inatsisip allanngortinneqarne-rani pineqarput inuit danskisut innuttaassuseqalersimasut naalagaaffinnut allanut tunngatillugu naalagaaffimmi innuttaasunut inatsiseqartitsinermi aqqiissuteqarnissaq pillugu piumasaqataatitalimmik ikaarsaariarnissamut aqqiissuussineq inatsimmit nr. 1496, 23. december 2014-imeersumit. (§ 5, imm. 2, peqqussutissatut missingiummi).
- Danskisut innuttaassuseqarneq (Meeqqat inuttut aappaasutut (saniatigut) danskisut innuttaassuseqaleraangata angajoqqaatut oqartussaassuseqar-nermik pigisallit akuersisarnissaannik allannguisarnissaannillu piumasa-qaat) pillugu inatsit nr. 1562, 13. december 2016-imeersoq. Inatsisip allannguuteqartinneratigut uppersaanikkut meeraq danskisut innut-taassuseqalissagaangat angajoqqaat akuersisarnissannik piumasaqaat ilaatigut atuutilersinneqarpoq. Angajoqqaajusup nunami allami inunngor-simasutut danskisut innuttaassuseqalernerani meeqqat aamma meeqqat qitornavissiat inuttut aappaasutut (saniatigut) ilaatinneqanngissinnaa-nerat pillugu malittarisassat aammattaaq atuutilersinneqarput. (§ 1, nr. 6 aamma 8 peqqussutissatut missiliummi).